



**TRANSACTION PASSE'E LE XI. MARS**  
1665. entre les sieurs de Fauverolles & le Febvre, Escuyers, Conseillers & Secretaires du Roy, & Sentence arbitrale du 30. Aoust 1669. rendue entr'eux & les enfans dudit sieur de Fauverolles, avec l'estat des sommes liquides & interets que ledit sieur de Fauverolles est condamné par ladite Sentence arbitrale, de rapporter & payer, montantes à 422221. liures 16. sols 6. deniers, sans préjudice de la somme de 292071. liures 11. sols, qu'il est aussi condamné rapporter en quittance ou en argent.



**F**RENT presens Iean de Fauverolles Escuyer, Conseiller Secretaire du Roy, Maison & Couronne de France, demeurant à Paris rue de la Champuerrerie, Parroisse saint Eustache, d'une part; & Simon le Febvre aussi Escuyer Conseiller Secretaire du Roy, Maison & Couronne de France, demeurant susdite rue & Parroisse, d'autre part.

**D**ISANS lesdites parties qu'elles ont esté, & sont encores interessées ensemblement es affaires cy apres mentionnées, desquelles ayant desiré de faire vn compte final iusques à present, elles auroient de part & d'autre dressé plusieurs memoires, estats de recepte & depence, & eschits instructifs, & ayans esté communiquez, lesdites parties y auroient trouvez des difficultez sur lesquelles elles ont eu quelques contestations; & pour les terminer à l'amiable, regler, calculer & liquider lesdits comptes, choisies les personnes de Nicolas Chantlatte Marchand, Bourgeois de Paris, demeurant rue Quinquampoix, Parroisse saint Mederic, & Florent Hubert Agent

A





de change, demeurant rue saint Martin, Parroisse saint Mederic, à ce presens & acceptans, lesquels s'estans beaucoup de fois assemblez pour ce sujet, conféré avec eux, entendu & examiné leurs raisons, par leur auidis & par maniere d'accord, & transaction sur leursdites contestations & differends, icelles parties ont transigé d'icelles, réglé & liquidé leurs comptes en la forme & maniere, & ainsi qu'il ensuit.

SçAvoir qu'ils demeurent d'accord que tout ce qui a esté receu par eux, & qui leur appartenoit, iusques en fin de l'année 1661. de la Ferme generale des Gabelles de France, dont le Bail estoit sous le nom de Jacques Autruy, où ils estoient interessez, a esté employé en leurs affaires communes. Et à l'égard de ce qui a esté receu de ladite Ferme depuis le commencement de l'année 1662. iusques à present, tant sous le nom dudit Autruy, que sous le nom de Guillaume Courtial, dont le Bail a commencé au premier Ianvier audit an 1662. il a esté entierement touché par ledit sieur de Fauverolles, montant ladite recepte à la somme de sepr cens soixante six mil cinq cens quatre-vingts quatorze liures 10. s. 10. deniers, suivant deux estats par luy certifiez, mis es mains dudit sieur le Febvre, & employé aux affaires communes des parties.

Que tout ce qui a esté receu iusques audit iour, à cause de l'interest que lesdites parties auoient au prest fait sur le don gratuit accordé au Roy par Messieurs du Clergé, a esté aussi employé à leurs affaires communes.

Que tout ce qui a esté receu par ledit sieur le Febvre iusques à present, à cause de l'interest que lesdites parties auoient en la Ferme des entrées de Paris, sous les noms de Jean Huet & Gabriel Cordier, montant à la somme de quatre cens quatre vingts neuf mil cinq cens sept liures 4. sols 8. deniers, suivant l'estat que ledit sieur le Febvre en a donné, signé & certifié de luy, a esté pareillement employé en leurs affaires communes.

Que ce qui a esté aussi receu par ledit sieur le Febvre, à cause de l'interest que lesdites parties ont aux deux traittez des Commissaires des Tailles, a esté encores employé en leurs affaires communes.

Que ce qui a esté receu à cause de l'interest qu'ils ont aux



effets & marchandises chargées pour les Indes, sous le nom & disposition du sieur Pierre Simonnet, a esté employé à leurs affaires communes, & ce qui en reste deub suivant l'estat fait double entre les parties, leur appartient en commun également.

Que ce qui a esté receu à cause du Traitté fait avec le Roy pour la reuente de son Domaine de Bretagne, a esté pareillement employé à leurs affaires communes.

Et dautant que les interessez audit Traitté, en vertu des declarations que ledit sieur le Febvre a fait à leur profit, du consentement dudit sieur de Fauverolles, ont des pretentions, & qu'il leur peut estre deub quelque chose, outre la somme de deux cens quarante-trois mil huit cens soixante quatorze liures qu'ils ont touchée sur ladite affaire, lesdits sieurs de Fauverolles & le Febvre seront tenus de les acquitter également chacun par moitié.

Que la somme de soixante-quatre mil neuf cens soixante-trois liures 9. sols qui a esté receuë par ledit sieur de Fauverolles, iusques à ce iourd'huy, à cause des interets qu'ils auoient en la Ferme generale des Aydes de France & entrées de Paris, sous le nom de Gabriel Villars, iusqu'au dernier Septembre 1663. que ledit Bail a finy selon l'estat que ledit sieur de Fauverolles en a donné, signé & certifié, a esté aussi employé en leurs affaires communes.

A l'égard de l'interest que lesdites parties auoient en ladite Ferme des Aydes & entrées sous le nom de Jean Rouvelin, n'en est fait aucune mention, dautant que ledit sieur de Fauverolles s'en est retiré du consentement dudit sieur le Febvre, sans profits ny pertes.

Et par le calcul fait presentement avec lesdites parties des Receptes & despences par eux faites iusques à ce iour, de toutes les autres affaires qu'ils ont eues ensemble, & où ils estoient interessez directement ou indirectement, sans exception, ledit sieur le Febvre s'est trouué redeuable enuers ledit sieur de Fauverolles, de la somme de soixante-deux mil quatre cens soixante liures que ledit sieur le Febvre promet & s'oblige de bailler & payer audit sieur de Fauverolles en sa demeure à Paris, ou au porteur, en douze payemens égaux, de mois en mois,



montant chacun cinq mil deux cens cinq liures, dont le premier ce fera d'huy en vn mois, & ainsi continuer de mois en mois iusques au parfait payement.

Et daurant que les traittez dont est cy-deuant fait mention, sont encores existans, & qu'il reste des recouuremens à faire en consequence d'iceux, où ils ont interest égal, par le moyen des declarations reciproques qu'ils ont l'un de l'autre, & qu'il leur est deub en outre quelques sommes par des particuliers qui leurs appartiennent par moitié, mentionnées en vn estat fait double & signé des parties, ils feront ledit recouurement entr'eux, ainsi qu'ils le iugeront à propos.


Et par le moyen dudit compte, toute la recepte & dépence faite par lesdites parties en leurs affaires communes du passé iusques à cedit iour demeure compensée, & tous les differends & cōtestations qui pourroient naistre sur lesdits comptes terminés en conséquence, toutes les promesses, lettres, reconnoissances, recepis, estats, memoires, & autres escrits que les parties auoient l'un de l'autre, sur lesquels ledit compte a esté fait & réglé: Ont esté presentement en la presence desdits sieurs Chanlatte & Hebert Arbitres & Notaires soubssignez, déchirez & bruslez; Et s'il s'en trouuoit autres qui les chargent, ils demeureront nuls & de nul effet; mesmes renoncent à toute reuision de compte & de calcul; & ont lesdites parties déclaré qu'elles ne doiuent en commun que les sommes contenues en l'estat par elles fait double ce iourd'huy, signé d'eux & des Notaires soubssignez, & conuiennent que s'il s'en trouuoit d'autres qui ne soient signez des deux, elles seront reputées deuës par celuy qui les aura signées, qui sera aussi tenu de les acquitter seul; Comme aussi ont déclaré qu'il n'y a plus entr'eux aucune affaire que celles mentionnées au present acte, dont le compte qui sera cy-apres à faire d'icelles, ne commencera que de ce iourd'huy; Et pour l'exécution des presentes, lesdites parties ont esleu leur domicile chacun en la maison où il est demeurant, ausquels lieux, Nonobstant, &c. Promettant, &c. Obligeant, &c. chacun en droit loy: Renonçant, &c. Fait & passé double en la maison où ledit sieur de Faucrolles est demeurant, l'an mil six cens soixante cinq, le vnielme iour de Mars apres midy, & ont signé. Ainsi signé,



5

de FAVEROLLES ET LE FEBVRE, CHANLATTE,  
HEBERT, MEVSNIER ET BOVRET.

Par la susdite Transaction, le Febvre est redeuable à Fav-  
erolles de 62460. liures, sur laquelle il luy a payé par quit-  
tance des 31. iuillet 1665. & 13. Ianvier 1666. 41220. l.



**V** E V par Nous Jacques Lambin, Germain Billard, Iean  
le Roux, & Bonnaventure de Foureroy, le compromis  
passé le 24. d'Aoust de l'année 1668. pardevant Rallu &  
Mounier Notaires au Chastelet de Paris; Entre Iean de Fa-  
verolles Secretaire du Roy, tant en son nom que comme tu-  
teur de Damoiselle Marie Angelique de Faverolles sa fille,  
Claude Picques Marchand Bourgeois de Paris, subrogé tu-  
teur de ladite Damoiselle Angelique de Faverolles, Iean de  
Faverolles sieur de Mouville, & Nicolas de Faverolles, en-  
fans dudit sieur de Faverolles, & de deffunte Damoiselle Ma-  
rie Hersant sa femme, émancipez d'aage, assistez & autori-  
sez dudit sieur Picques leur beau frere & curateur d'une part,  
& Simon le Febvre Secretaire du Roy d'autre: Par lequel pour  
juger les differends pendans entr'eux aux Requestes du Palais  
pour raison des Lettres de rescision obtenues par ledit sieur  
Iean de Faverolles les 17. Decembre 1667. & cinq May 1668.  
contre les transactions passées entre lesdits sieurs de Faverol-  
les pere & le Febvre, les neuf Septembre 1661. & 11. Mars 1665.  
ensemble contre vn acte en forme de compromis, du 3. Fevrier  
1667. & des Requestes d'intervention & demandes dudit sieur  
Picques audit nom de subrogé tuteur & curateur, circonstan-  
ces & dependances, & generalement regler & decider tous  
les differends entre lesdites parties. O N T convenu de nos  
personnes, avec pouvoir qu'ou nous ne nous accorderions pas  
de nommer par nous, & convenir d'un cinquieme arbitre, sans  
qu'il fust besoin du consentement des parties, & aux autres pei-  
nes & conditions y contenuës. Les actes de prorogation dudit  
compromis estans ensuite des 29. Novembre 1668. cinq Ianvier



69. 4. Fevrier de ladite année. Autres actes de prorogation des sept Mars, treize May & 21. Iuin de ladite année, passées entre lesdits sieurs de Faverolles pere & enfans. Maistre Nicolas forme Procureur au Chastelet tuteur subrogé & curateur ausdites Marie Angelique de Faverolles, Iean & Nicolas de Faverolles, au lieu & place dudit sieur Claude Picques d'une part, & ledit sieur le Febvre d'autre. L'acte du 12. Iuillet 69. contenant la nomination par nous faite de la personne de Monsieur Feydeau, ancien Advocat en la Cour, par luy acceptée. Acte de prorogation du 29. Iuillet 69. lesdites Lettres de rescision des 18. Dec. 1667 & cinq May 68. La Requête d'intervention présentée aux Requestes du Palais par ledit Claude Picques, subrogé tuteur de Damoiselle Angelique de Faverolles; lesdits Iean & Nicolas de Faverolles, procedans sous l'autorité dudit Picques leur curateur, aux fins que faisant droit sur leur intervention; lesdits sieurs de Faverolles & le Febvre, soient condamnez de rendre compte des associations de Marchandises, negoce, traitez, baux & autres Marchandises qu'ils ont eu pendant le vivant de ladite Damoiselle Marie Hersant leur mere, & depuis son deceds, & les condamner aux interets des sommes dont ils seront redevables par l'arresté des comptes; A l'effet dequoy ils seront tenus de représenter tous les livres journaux, livres de caisses qu'ils ont tenus des deniers de la Recepte & dépense faite au suiet desdites associations. Ladite Requête du premier Iuin 68. Les deffenses fournies par ledit sieur le Febvre aux Requestes du Palais, contre lesdites Lettres dudit sieur de Faverolles pere, signifiées le 18. Fevrier 1668. les demandes faites pardevant nous par le sieur de Faverolles, par Requête du premier Decembre de l'année 1668. A ce qu'en premier lieu ledit sieur le Febvre soit tenu de représenter les journaux, livres de caisses & pieces iustificatives d'iceux, aux offres qu'il fait de représenter les journaux & Registres qu'il a tenu pour compter pardevers nous, & ce iusques au cinquième Iuin 54. Que ledit sieur Picques a esté chargé de la caisse generale. En second lieu, à ce que ledit sieur le Febvre, qui a receu le debet du compte qui luy a esté rendu, & audit sieur de Faverolles par ledit sieur Picques, du maniemment de la caisse depuis ledit iour cinquième Iuin 1654. iusques au voze Iuillet 1656. & a continué.



ledit maniemment seul, soit condamné de rendre compte de  
 toutes les affaires de negoce & de finance qu'ils ont eu iusques  
 à present, sauf audit sieur le Fevre à employer dans la dépense  
 dudit compte les deniers payez à Paul Pijart son neveu, & sous  
 Caissier employez vtilement pour ladite societé; & pour cét  
 effet représenter tous les Registres, livres iournaux, & de cais-  
 se, & autres pieces iustificatives. En troisiéme lieu, à ce que  
 ledit le Fevre soit tenu de rendre compte du maniemment qu'il  
 a fait en deniers provenans, à cause de la part de dix-neuf de-  
 niers qu'il avoit au bail general des Gabelles de France, fait  
 sous le nom de Maistre Jacques Autruy, à commencer du pre-  
 mier Ianvier 1660. iusques à la fin de l'année 1661. qui monte à  
 plus de douze cens mil livres pour leur part. En quatriéme lieu  
 à ce que ledit sieur le Fevre soit condamné de luy rapporter les  
 quittances des sieurs Terrat, Nallot & autres qui avoient part  
 audit bail, suivant les declarations que ledit sieur de Faverolles  
 leur en a données, les huit Mars & 23. Aoust 1660. des sommes  
 que ledit sieur le Fevre leur a payées ou deu payer à proportiō  
 de celles qu'il a receuës d'eux, sous les offres que fait ledit sieur  
 de Faverolles, de rendre compte audit sieur le Fevre, de la som-  
 me de sept cens soixante-dix mil cinq cens quatre-vingts qua-  
 torze liures dix sols dix deniers qu'il a receus depuis le premier  
 Ianvier 1662. iusques à present, tant en deniers provenans dudit  
 bail des Gabelles fait audit Autruy, que de ceux qu'il a touchez  
 depuis la resolution dudit bail, durant celuy qui a esté fait à M<sup>e</sup>  
 Guillaume Courtial, à commencer du premier Ianvier 62. dont  
 il a cy-devāt fourny audit sieur le Fevre les estats de recepte &  
 dépense de luy certifiez; & encore sous les offres que fait ledit  
 de Faverolles, de rendre compte audit le Fevre de ce qu'il a re-  
 ceu du provenu du traité du don gratuit accordé par le Clergé  
 à sa Maieité, en l'année 1660. à raison de trois sols d'interests  
 qu'ils avoient audit traité, sur le pied de vingt sols, & d'en  
 fournir des estats de recepte, comme il a desia fait de luy cer-  
 tifiés. En cinquiéme lieu, à ce que ledit sieur le Fevre soit  
 tenu de rendre compte de la ferme des Entrées, dont le bail a  
 esté fait successivement à Iean Huet & Gabriel Cordier, & d'en  
 rapporter les pieces iustificatives consistans aux arrestez que les  
 associez ont fait ensemble, repartitions, liquidations d'inte-



*Faverolles est  
debouté de cet-  
te demande &  
de celles por-  
tées es 6. 7. 8.  
& 9. articles  
suivans.*

rest, & aux comptes qu'ils se sont rendus les vns aux autres, & qui leur ont esté rendus par leurs Commis ou Caissiers. En sixième lieu, luy rendre aussi compte des prests qui ont esté faits durant le cours desdits baux des entrées & des profits desd. prests. En septième lieu, à ce que ledit le Fevre soit condamné de luy rendre compte de ce qu'il a receu à cause des 9. sols six deniers qu'ils avoient sous son nom aux traitez des Commissaires des Tailles, par les mains des sieurs Bernin & du Vau, Coquille, Picques & des escouttes montans à vn million cinquante mil livres au moins. En huitième lieu, luy tenir compte de ce qu'il a receu des effets & marchandises chargées pour les Indes Orientales, montans à prest d'un million. En neuvième lieu, à ce que ledit le Fevre soit condamné de luy rendre compte du maniemment qu'il a fait du traité de la revente des domaines de Bretagne, & de luy rapporter les pieces iustificatives de la somme qu'il pretend avoir payée aux sous-interessez audit traité, & les comptes sur lesquels il a reglé les parts revenans à chacun desdits associez, aux offres que fait ledit sieur de Faverolles, de rendre compte audit le Fevre de la somme de soixante quatre mil neuf cens soixante trois livres neuf sols qu'il a receuës en deniers provenans de l'interest qu'ils avoient au bail general des Aydes, & autres fermes, fait à Maistre Gabriel de Villars, dont il a donné des estats certifiez audit le Fevre de ce qu'il a receu depuis. En dixième lieu, à ce que ledit sieur le Fevre soit condamné de luy rendre compte du traité de la ferme generale des devoirs de Bretagne, dont il a eu seul le maniemment: lequel traité estoit de plus de deux millions deux cents mil livres, ou luy payer la moitié de ladite somme, & pour les profits d'icelle la somme de trois cens mil livres. En vnième lieu, à ce que ledit le Fevre soit condamné luy faire part de l'acquisition qu'il a faite durant ladite société d'une maison scise sur le Pont au Change, des places pres le marché aux Chevaux, des rentes sur l'Hostel de Ville, des augmentations de gages des Compagnies souveraines, de la Charge de Secretaire du Roy dont il est pourveu, ou luy payer la moitié desdites acquisitions, montant à plus de deux cens mil livres, sans prejudice d'autres acquisitions faites pendant ladite société. qui viendront à la connoissance dudit de Faverolles. En douzième lieu,



lieu, à ce que ledit sieur le Febvre soit condamné luy rapporter la somme de cinquante mil livres pour la moitié de la Charge de Controlleur des bastimens du Roy, qu'il a fait vendre sur le nommé petit, & de laquelle il s'est rendu adjudicataire moyennant la somme de quatre-vingts tant de mil livres qu'il a consignée en deniers de ladite société. En treizième lieu, de luy rendre compte du prix provenu des quatre Offices du Marc d'or, & d'une charge de Controlleur vendue au sieur Damon, & autres, sinon luy payer la somme de trois cens soixante & dix mil livres pour sa part. En quatorzième lieu, luy rendre compte des effets du negoce de la Boutique des sieurs le Febvre & Bastonneau, neveux d'iceluy Simon le Febvre où ils avoient interest, & des profits dudit commerce, dans lequel ils auroient plus de cent mil livres en fonds, ou de luy rendre la moitié dudit fonds, & luy payer les profits à raison de cinquante mil livres par an. En quinzième lieu, à ce que ledit le Febvre soit condamné luy rendre compte des deniers receus provenans du traité de la recepte generale des finances de Tours, tant pour le remboursement ou aduance, que pour les profits, remises & interests dudit Traité & prests qui en avoient esté faits, montans à trois millions cinq cens mil liures & plus. En seiziesme lieu, luy rendre aussi compte du commerce & negoce qu'ils ont fait en Flandres & es Villes de Venise & Genes, & de luy payer pour sa part du fonds & des profits la somme de trente mil liures. En dix-septiesme lieu, luy rendre compte du prest fait de cent quarante-trois mil liures, pour lequel il a receu du sieur Simonnet cent cinquante mil liures de principal & interests depuis le mois de Juin soixante-vn, iusques en Avril soixante-deux. En dix-huitiesme & dernier lieu, à ce que ledit sieur le Febvre soit condamné aux interests de toutes les sommes qui seront adjudgées audit sieur de Fauverolles, depuis le iour de l'injuste retention d'icelles. Deffences dudit sieur le Febvre, signifiées le 14 fevrier 1669. par lesquelles il a déclaré que sur les affaires reservées, il n'y avoit qu'à suivre & executer les transactions, de se faire raison respectivement en conformité d'icelles: Repliques dudit sieur de Fauverolles: Demandes dudit sieur le Febvre faites devant nous le 31. Janvier 1669. tendantes à ce qu'en premier lieu, ledit sieur de Fauverolles ait à donner compte audit



le febvre de rapporter aux affaires communes d'entr'eux les trois cens soixante seize mil quatre cens soixante sept liures 8. sols restans des quatre cens cinquante mil liures qu'il a pleû au Roy d'accorder de remboursement, dans lesquelles ils y ont interest, sous le nom dudit sieur de Fauerolles, & ce avec les interests, à raison de dix pour cent, depuis qu'il en a touché les deniers, pour estre lesdits deniers employez en l'acquit de leurs debtes communes. En second lieu, à ce que ledit sieur de Fauerolles ait à rapporter à leurs affaires communes les deniers des reparations qui se sont faites ausdites Gabelles, depuis la reuocation des Baux ou autres deniers si aucuns il a touché, avec les interests, sur le pied susdit, depuis qu'il en iouïst, mesme condamné à la peine du quatruple, pour ne les auoir pas declarez dans l'estat qu'il en a donné certifié, pour lesdits deniers estre employez en l'acquit de leurs debtes communes. En troisieme lieu, à ce que ledit sieur de Fauerolles ait à descharger ledit sieur le febvre de la restitution que Monsieur l'Abbé de Saint Riquier luy demande, & au sieur Preaud, pour raison des arrerages de rentes constituées sur les entrées de Paris, dont les contracts sont tombez en partage audit sieur de Fauerolles, & les iouïssances passées par luy receuës. En quatriesme lieu, à ce que ledit sieur de Fauerolles ait à remettre en main tierce les promesses, obligations, lettres de change, transports, & autres dont il est chargé, suiuant l'estat fait le 11. Mars de l'année 1665. en execution de la derniere transaction. En cinquiesme lieu, à ce que ledit de Fauerolles ait à rendre la reconnoissance qu'il a dudit sieur le Febvre d'un billet de neuf mil liures dont il estoit depositaire, qui a esté baillé de leur consentement au sieur Harber en l'acquit de leurs debtes communes. En sixiesme lieu, que ledit sieur de Fauerolles ait à faire fonds audit sieur le febvre de la somme de deux mil cinq cens soixante six l. faisant moitié de cinq mil cent trente deux liures pour le quart de vingt mil cinq cens vingt huit liures de depence qu'il a conuenu faire en la ferme des entrées, tant pour raison des baux, frais de comptes que les interessez ont à rendre à la Chambre, que pour saisies faites en leurs mains dont ils estoient obligez de faire les payemens suiuant les Estats du Roy & autres depences, & encore fournir à l'auenir la moitié de ce qu'il con-



viendra payer par ledit sieur le Febvre pour sa part & portion, sur le pied de 5. sols qu'il auoit d'intereſt conjointement avec ledit sieur de Fauverolles és baux de ladite Ferme. En ſeptiesme lieu, à ce que ledit sieur de Fauverolles ait à rapporter à leursdites affaires communes la ſomme de cent quatre-vingts mil liures qu'il a pleü au Roy luy accorder de remboursement par deux Arreſts du premier Septembre 1667. ſur ce qui leur eſt deub dans les baux des Gabelles d'Autruy & Courtial, & ce avec les intereſts de dix pour cent, depuis qu'il en a touché les deniers, pour iceux eſtre employez en l'acquit de leurs debres communes. En huitiesme & dernier, à ce que ledit sieur de Fauverolles ait à rapporter à leurs affaires communes la ſomme de treize mil liures qu'il a touchée en Decembre 1665. de la ferme des Aydes & Entrées tenuë ſous le nom de Villars, & ce avec les intereſts ſur le pied de dix pour cent, depuis qu'il en a touché les deniers, pour iceux eſtre employez en l'acquit de leurs debtes communes. Defences dudit sieur de Fauverolles, ſigniſiées le ſeize Fevrier 1669. Par leſquelles ſur le premier chef, il conuient que les quatre cens cinquante mil liures contenues audit chef de demande, en ayant eſté imputé ſur les aduances du bail d'Autruy, la ſomme de ſoixante mil liures, & ſur celui de Courtial trois cens quatre-vingts dix mil liures; & ayant appris depuis le mois de Septembre ſoixante ſept, que cette ſomme de ſoixante mil liures, qu'il eſtimoit auoir eſté donnée en remboursement pour les trois ſols dix deniers, dont il appartenoit aux ſieurs Nallot & Terrat chacun douze deniers, n'eſtoit deſtinée que pour les vingt-deux deniers reſtans, deſquels il en appartient auſdits ſieurs de Fauverolles & le Febvre dix-neuf, & à vn particulier trois deniers, à cauſe que le Roy auoit pourueu d'ailleurs auſdits ſieurs Nallot & Terrat, par le moyen de quoy, au lieu que ledit sieur de Fauverolles n'auoit employé dans ledit Eſtat qu'il auoit donné audit le Febvre, le 11. Mars 1665. que ladite ſomme de vingt-quatre mil ſept cens quatre-vingts deux liu. 12. ſols, & il leur reuenoit cinquante mil huit cens dix-huit liures trois ſols ſept deniers, & qu'ainſi il deuoit luy compter de la ſomme de vingt-ſept mil trente-cinq liures vnze ſols cinq deniers, mais il ne pouuoit luy faire raiſon qu'apres que le ſieur Cocquilles auroit eſté payé de toutes les



rescriptions qu'il auoit entre ses mains, pour raison des rembourcemens assignez sur lesdites aduances dud. bail d'Autruy, & rembourcé des frais du recouurement; partant led. de Faverolles offroit de redre compte de lad. somme, incōtinent apres que le compte qui est à faire avec ledit sieur Coquilles, aura esté soldé, ou déduire audit sieur le Febvre ce qu'il doit audit de Fa-

*Cet offre du  
sieur de Fave-  
rolles marque  
qu'il a souffert  
que le sieur  
Preaud ait  
esté molesté  
pendant qua-  
tre années; &  
enfin contraint  
de payer pour  
luy cette som-  
me de 2558. l.  
18. s. 2. den.  
sans que ius-  
ques à present  
il luy en ait  
fait restitu-  
tion.*

uerolles; Et sur le troisieme chef, ledit sieur de Faverolles offre de tenir compte de la somme de deux mil cinq cens cinquante huit liures 18. sols 2. deniers sur ce qui luy est deub par ledit le Febvre; Et sur le cinquiesme chef, ledit sieur de Faverolles offre de supprimer la reconnoissance contenuë audit chef de demande, en rapportant par ledit le Febvre le double de ladite reconnoissance qu'il a en ses mains signées dudit Faverolles. Et sur le huitieme & dernier chef, offre ledit sieur de Faverolles, comme il a tousiours fait, de tenir compte audit sieur le Febvre de la somme de treize mil liures mentionnée en ladite demande, suiuant l'estat qu'il luy en a donné peu de temps apres la repartition: Moyens d'interuention de lean & Nicolas de Fauerolles, proceddans sous l'autorité de Maistre Nicolas Forme leur curateur; Et encore dudit Forme comme subrogé tuteur de Damoiselle Marie Angelique de Fauerolles, par lesquels, en adjoustant aux conditions portées par leur Requête d'interuention du premier Iuin 1668. ils concluent à ce que lesdits sieurs de Fauerolles & le Febvre soient tenus de représenter les contrats d'acquisitions faites, tant d'Offices, rentes de quelque nature qu'ils en puissent estre, que maisons, places, & autres immeubles acquis des deniers proceddans des effets des susdites societez, pour ensuite estre proceddé à l'audition & examen dudit compte, en la maniere accoustumée: Lesdits moyens d'interuention communiquez à parties, le 26. Mars 69. Responces ausdits moyens d'interuention: Autre Requête dudit sieur de Fauerolles, du quinziemesme Decembre soixante-huit, par laquelle il conclut à ce qu'acte luy soit donné de ce qu'en expliquant les demandes qu'il a faites par sa Requête du premier Decembre, il conclut à ce que ledit sieur le Febvre soit condamné luy rendre compte de toutes les affaires de ladite société, non seulement depuis le 11. Iuillet 1656. iusques à present; mais aussi depuis le commencement d'icelle iusqu'au-



dit iour Iuillet cinquante-six: Comme aussi de luy rendre compte des deniers qui ont esté fournis à diuers particuliers sur des promesses, billets & Lettres de change qu'ils ont negocié & fournis, & du profit dudit commerce d'argent, & de compter du negoce de marchandises fait en cette Ville de Paris, dont ledit Preaud tenoit les Registres des achats & ventes d'icelles, représenter les Registres tenus par ledit Preaud de l'achat & ventes desdites marchandises, & des profits & pertes d'icelles, mesme le compte qui a esté tiré desdits Registres par ledit Preaud, & présenté aux parties, lequel est demeuré par deuers & entre les mains dudit sieur le Febvre; & encore de condamner ledit le Febvre à représenter les liures de caisse & de raison qu'il a tenus, & a par deuers luy, & en tous les despens, dommages & interêts dudit de Faurolles: Requête dudit sieur le Febvre du 26 Iuin soixante-neuf, par laquelle il employe ce qu'il a écrit & produit pour réponses à celle dudit de Faurolles, du 15. Decembre precedent: Autre Requête dudit sieur de Faurolles du 13. dudit mois de Iuin, tendante à ce que ledit sieur le Febvre soit tenu représenter neuf Registres cottez du Commissaire Daud, mentionnez en son proces verbal du 27. Mars 1669 Comme aussi les deux comptes qu'il a fait reconnoistre audit sieur de la Porte, le 29. May de ladite année, pardeuant Monsieur Grasteau Conseiller en la Cour, dattez des 24. Nouembre, & 4. Decembre 1659. pour en prendre par ledit de Faurolles communication; & qu'à faute par ledit sieur le Febvre de représenter dans huy lesdits Registres de comptes, les conclusions prises luy seront adjugées avec despens: Requête dudit sieur le Febvre du 15 dudit mois de Iuin, à ce qu'acte luy soit donné de ce que pour réponses & deffences contre ladite Requête dudit iour 13. Iuin, il employe le contenu en icelle; En conséquence, & sans y auoir égard, il soit passé outre au iugement du differend des parties, les Registres mentionnez esdites Requetes representez pardeuant Nous, & communiquez audit sieur de Faurolles: Interrogatoires prestez pardeuant Nous par ledit sieur le Febvre, des 20. 23. & 27. May soixante-neuf, sur faicts à luy prealablement communiquez de la part dudit sieur de Faurolles, signifiez le 16. May precedent: Requête dudit sieur le Febvre du 18. Decembre



soixante huit : Requête dudit sieur de Faverolles du 17. Decembre soixante huit, signifiée le 8. Iuillet soixante neuf, à ce que ledit sieur le Febvre fust tenu de représenter l'original de ladite transaction du 9. Septembre soixante-vn, sinon & à faute de ce, qu'il sera passé outre au iugement, sans y auoir égard: Autre Requête dudit sieur de Faverolles du 3. Iuillet soixante-neuf: Requête dudit sieur le Febvre du 11. desdits mois & an: Requête du 15. Iuillet soixante neuf, desdits Iean & Nicolas de Faverolles, & Nicolas Forme esdits noms, à ce qu'acte leur soit donné de ce qu'ils n'entendent quant à present demander la continuation de la Communauté avec ledit sieur de Faverolles leur pere, depuis le deceds de Damoiselle Marie Hersant leur mere, & en consequence leur adjuger leurs fins & conclusions: Requête dudit sieur de Faverolles du 29. Iuillet soixante-neuf, à ce qu'il luy soit donné acte des offres qu'il fait de proroger le compromis, & de prendre droit, en comptant par ledit sieur le Febvre des affaires de leur société, sur les Registres qui seront representez par ledit sieur le Febvre, sans que pour la recepte & despence y contenuë, ledit sieur le Febvre soit tenu de rapporter aucunes pieces iustificatiues; Et au contraire, de compter par ledit sieur de Faverolles de ce qu'il a geré, & d'en rapporter les pieces iustificatiues: Autre Requête dudit sieur de Faverolles, du 2. Aoust soixante-neuf, à ce que ledit sieur le Febvre soit tenu de répondre cathégoriquement (par ouy ou non) suiuant l'Ordonnance, sur les dix, vnze, douze, dix-huit, vingt, vingt-vn, vingt-deux, vingt-trois, vingt quatre, trente-cinq, trente-huit, quarante-vn, quarante-deux, quarante-trois, quarante-sept, quarante-huit & soixante & vnze, des faicts à luy signifiez: Autre Requête dudit sieur de Faverolles du 3. Aoust soixante-neuf, à ce que ledit le Febvre soit condamné de communiquer les comptes par le destail de la recepte & despence du produit de la ferme des entrées, mentionnées en ladite Requête, & ordonner qu'il se purgera par serment, qu'il n'en retient aucun; & que par dol & fraude il ne delaisse d'en auoir: Autre Requête du 8. Aoust 69. dudit sieur de Faverolles, à ce qu'il soit ordonné que led. sieur le Febvre luy déliurera copie de luy collationnée des parties. Extraicts par ledit de Faverolles des deux Liures, l'vn



commencé en 1645. & l'autre en 1651. pour luy servir ce que de raison, & qu'il représentera les liures auxquels les comptes mentionnez esdits liures sont renuoyez; Ensemble tous les autres liures d'achapts, de ventes, de factures, journaux & de raison, tenus tant par ledit sieur le Febvre, que par Jean preaud son Commis, pour en prendre communication, & sur iceux dire ce qu'il appartiendra, & qu'à cet effect ils seront deposez en la maison dudit sieur Lambin. Autre Requête dudit sieur de Fauverolles du douze Aoust soixante deux. Requête dudit sieur le Febvre du mesme iour, mois & an. Requête dudit sieur de Fauverolles du treize Aoust de ladite année, & tout ce qui a esté escrit & produit par toutes lesdites parties: Apres auoir entendu plusieurs fois par leurs bouches lesdits sieurs de Fauverolles & le febvre, les sieurs Chanlat & Hebert, par l'aduis desquels ladite transaction de soixante cinq a esté passée, mesmes les sieurs interressez aux baux des entrées sous les noms de Huet & Cordiez.

NOVS DIZONS sans nous arrester aux pretendues obmissions, des sommes de cent trente huit mil deux cens sept liu. 8. sols d'une part, quinze mil deux cens quatre liures trois sols quatre deniers, cent cinquante huit mil sept cens quarante liures quinze sols huit deniers, & trois cens soixante quatre mil six cens vingt huit liures dix sols cinq deniers d'autre part: Que ledit sieur de Fauverolles est debouté de l'effect & entherinement des Lettres par luy obtenues contre lesdites transactions, des neuf Septembre 1661. & vnze Mars 1665. dont est question, & ce sans auoir esgard à l'interuention desdits Jean & Nicolas de Fauverolles ses enfans, & de Nicolas Forme esdits noms, sauf à eux en consequence de la communauté d'entre ledit sieur de Fauverolles & Damoiselle Marie Hersant leur mere, de demander compte audit sieur leur pere, du droit à eux acquis par le deceds de ladite Damoiselle Hersant, en la part dudit sieur leur pere, de la societé qu'il auoit contractée avec ledit sieur le Febvre, & iusques audit deceds seulement, mesmes apres la discussion des biens dudit sieur de Fauverolles, de se pouruoir subsidiairement contre ledit sieur le Febvre, sans qu'ils puissent contre luy pretendre aucune chose depuis ledit deceds, son recours & hypoteque à luy reservé, contre & sur les biens dudit de Fauverolles, pour estre acquitté & indemnisé de

*Par laquelle ledit de Fauverolles offre de tenir compte, & rapporter aux affaires communes les sommes de*  
 4330. liures,  
 7916 l. 13 sols  
 4. den. 10362.  
 l. 15 sols, 829.  
 l. 5 sols 4. den.  
 & 505 l. 19.  
 sols 4. d. provenant de la Ferme des Gabelles, & d'apporter acquits de plusieurs sommes y mentionnées, montées à 42071. liu. 11. sols 4. den.



ce qui sera contre luy pretendu ; & pour empescher la collusion , pourra ledit sieur le Febvre interuenir & assister audit compte si bon luy semble : Comme aussi auons debouté & deboutons ledit sieur de Faverolles des premier , second , troisieme , quatriesme , dixiesme , vnzieme , douzieme , treiziesme , quinzieme , seiziesme , dix septiesme , dix huitiesme & dernier chefs de ses demandes ; faisant droict sur les cinq , sixiesme , septiesme & neufiesme chefs desdites demandes , condamnons ledit sieur le Febvre de rendre compte audit sieur de Faverolles de ce qui se trouuera auoir esté receu & despensé depuis ladite transaction du 11. Mars 1665. Et en execution d'icelle , deboutons ledit sieur de Faverolles du surplus desdits cinq , sixiesme , septiesme & neufiesme chefs : Et quant au huitiesme chefs desdites demandes , veu l'arresté du 21. Ianvier 66. fait triple entre lesdits Faverolles , le Febvre & Simonnet , reconnu deuant Mounier & son compagnon Notaires , le lendemain 22. du mesme mois , auons debouté & deboutons ledit sieur de Faverolles dudit huitiesme chef , & pareillement du quatorzieme chef desdites demandes , sauf ausdits de Faverolles & le Febvre de retirer les transports mentionnez en l'estat du 28. Decembre 63. des mains du sieur Gillot , pour estre partagez entr'eux ; faisant droict sur le premier chef des demandes dudit sieur le Febvre , du 31. Ianvier dernier : D I S O N S que de la somme de trois cens soixante seize mil quatre cens soixante sept liures huit sols restans de quatre cens cinquante mil liures , dont a esté ordonné par Arrest du Conseil du 4. Iuillet 64. que le sieur Moret feroit le payement audit sieur de Faverolles , sur & tant moins de ce qui luy estoit deub à cause des Baux d'Autruy & de Courrial : Sera ledit de Faverolles tenu outre les vingt quatre mil sept cens quatre vingts deux liures douze sols d'une part , & quarante huit mil sept cens cinquante liures d'autre , contenues aux deux estats du 11. Mars 1665 rapporter la somme de vingt sept mil trente cinq liures vnze sols , avec les interests , à la raison portée par ledit traité de société , pour estre employée aux affaires communes , & le restant desdites sommes , estre partagé entre les parties , conformément audit traité. Et quant au surplus desdits trois cens soixante seize mil quatre cens soixante sept liures 8. sols , Apres que ledit sieur de Faverolle

*Faverolles de-  
mandoit aus-  
dits articles 5.  
6. 7. & 9. de  
compter d au-  
parauant les  
transactions, &  
il en est debou-  
te.*



& déclaré que pour le bien commun, & pour les causes particulières par luy expliquées, il en a fait payer par le sieur Cocquille cent cinquante mil liures au sieur de Boisfranc, & cent mil liures au sieur Picques, sera tenu ledit sieur de Faverolles de rapporter la certification dudit sieur Cocquille, des payemens desdites sommes qui ont esté par luy faits, tant audit sieur de Boisfranc, qu'audit sieur Picques, par l'ordre dudit sieur de Faverolles, Et pour ce qui est des quatre-vingts dix-neuf mil quatre cents trente-vne liures six sols sept deniers restans, ledit sieur de Faverolles corra & iustificera les payemens & employs qu'il en a faits au profit commun, le tout dans trois mois, autrement & à faute de ce faire dans ledit temps, & iceluy passé, le condamnons de rapporter lesdites sommes, avec les interets, pour estre employées aux affaires communes, & apres ledit employ estre ce qui restera, partagé entre lesdites parties sur le second chef desdites demandes, condamnons ledit sieur de Faverolles de son consentement, de rapporter aux affaires communes les sommes qu'il a reconnues par sadite Requête du 13. Aoust dernier, reueir à luy & audit le Febvre, & outre déclarer & iustifier les employs & payemens du surplus des autres sommes contenuës en ladite Requête, dans trois mois, autrement & à faute de ce faire, dès à present le condamnons de rapporter pareillement aux affaires communes lesdites sommes, le tout avec les interets: Sur le troisieme chef, Disons que l'Arrest de la Chambre de Iustice du 9. Novembre 67. sera executé: Sur le quatrieme chef, que les papiers y mentionnez demeureront es mains dudit sieur de Faverolles, pour faire les diligences à frais communs contre leurs debiteurs, autrement & à faute de ce faire, sera fait droit sur ledit chef de demande: Sur le cinquieme chef, Disons que la reconnoissance dont est question, sera supprimée par ledit sieur de Faverolles, suiuant les offres contenuës en ses deffences, en presence dudit sieur le Febvre, en rapportant par ledit sieur le Febvre le double si aucun il a de ladite reconnoissance dont il sera creu à son serment: Sur le sixieme chef desdites demandes, condamnons ledit sieur de Faverolles à faire fonds audit sieur le Febvre de ladite somme de deux mil cinq cents soixante six liures, & fournir à l'aduenir la moitié de ce qu'il conuiendra payer par ledit sieur le Febvre pour sa part qu'il auoit d'interest conjointement avec ledit sieur de Faverolles, dans lesdits Baur

*Les sommes que Faverolles a offert rapporter par cette Requête, montent 24364. l. 13. sols.*


*Les autres sommes mentionnées en ladite Requête montent 42073. l. 3. s. 8. d.*



des entrées : Sur le septiesme chef concernant la somme de cent quatre-vingts mil liures accordées par le Roy pour les causes mentionnées dans les deux Arrests du Conseil du premier Septembre 67. attendu la réponce faire par le sieur Morer à la signification du 13. Octobre audit an, qu'il n'auoit point de fonds pour ledit remboursement, Disons que les parties feront leurs diligences en commun, de procurer le fonds de ladite somme; & lors qu'il aura esté fait, sera tenu ledit sieur de Faverolles vn mois apres de faire cesser l'effet de l'Arrest du 12. Ianvier 68. autrement & à faute de ce faire, rapporter ce qui se trouuera desdits cent quatre-vingts mil liures, estre arresté, à cause de son fait particulier, pour estre employé aux affaires communes; & apres les charges acquittées, estre partagé comme dit est, entre lescdites parties: Sur le huitiesme & dernier chef, condamnons ledit sieur de Faverolles de tenir compte audit sieur le fevre de ladite somme de treize mil liures, avec les interets, pour estre employé en leurs affaires communes: Debouttons les parties du surplus de leurs demandes, & Requestes, tous despens compensez. FAIT & prononcé aux parties aux domiciles esleus par le compromis, le trentiesme iour d'Aoust mil six cens soixante-neuf. Et ont esté les pieces rendues. Signez, LAMBIN, BILLARD, FOVREROY, LE ROUX, FEYDEAV.

*Les 180000 l. sont à prendre sur les deniers qui sont es mains des Commis des Gabelles qu'ils doivent mettre es mains dudit Moret, pour les payer ausd. Faverolles le Fevre.*

*C'est que la saisie est faite pour vne dette particuliere de Faverolles, dont le Fevre n'est point tenu.*



ESTAT DES SOMMES LIQUIDES, ET interets adiugez à Simon le Fevre Escuyer, Conseiller & Secretaire du Roy, contre Iean de Faverolles aussi Escuyer, Conseiller & Secretaire du Roy, par Sentence du 30. Aoust 1669.

#### PREMIEREMENT:

**L**A somme de 27035. liures 11. sols, faisant partie de celle de 376467. liures 8. sols, dériuant de celle de 450000. liures, cy 27035. liu. 11. sols.  
Interets desdits 27035. liures 11. sols, aussi adiugez par ladite Sentence, depuis le 14. Iuillet 1664. sur le pied du denier dix,



pour les raisons portées par ladite Sentence, iusques au premier  
Septembre 1669. 13862. l. 19. f.

Plus ledit sieur de Fauverolles est condamné de rapporter en  
argent ou quittances, à la décharge des affaires communes de  
luy & dudit sieur le Febvre, la somme de 99431. liures 6. sols 7.  
deniers, restant de ladite somme de 376467. liures 8. sols, sans  
compter les quittances qu'il doit rapporter des payemens  
qu'il pretend auoir faits de 150000. liures à Monsieur de Bois-  
franc, & 100000. l. à Monsieur Picques, cy 99431. l. 6. f. 7. d.

Interests desdits 99431. liures 6. sols 7. deniers, depuis le 14.  
Iuillet 1664. iusques au premier Septembre 1669. 50983. l. 17. f.

Plus ledit sieur de Fauverolles est condamné de son consen-  
tement, de rapporter aux affaires communes de luy & dudit  
sieur le Febvre les sommes qu'il a reconnu par sa requeste du  
13. Aoust 1669. qui sont 4750. l. 7916. liures 13. sols 4. deniers,  
10362. liures 15. sols, 829. liures 5. sols 4. deniers, & 505. liures 19.  
sols 4. deniers, lesquelles sommes reuiennent ensembles à celle  
de 24364. liures 13. sols, sans preiudice des autres mentionnées  
dans ladite requeste, montantes à 42073. liures 3. sols 8. deniers,  
que ledit sieur de Fauverolles est condamné par ladite Sentence  
d'en rapporter les employs dans trois mois, sinon les payer &  
employer dans leursdites affaires communes, cy seulement sans  
preiudice de ladite somme de 42073. liu. 3. f. 8. d. 24364. l. 13. f.

Interests desdites sommes, l'auoir de celle de 4750. liures, à  
compter du 28. Nouembre 1665. iusques au premier Septembre  
1669. 2219. l. 6. f.

De celle de 7916. liures 13. sols 4. deniers, à compter du 28.  
Fevrier 1666. iusques au premier Septembre 1669 2775. l.

De celle de 10362. liures 15. sols, à compter du 7. Aoust 1666.  
iusques audit 1. Septembre 1669. 3175. l. 5. f.

De celle de 829. liures 5. sols 4. deniers, à compter du 30. No-  
uembre 1665. iusques audit 1. Septembre 1669. 310. l. 15. f. 10. d.

Et de celle de 505. liures 19. sols 4. deniers, à compter du 12.  
Decembre 1665. iusques au susdit 1. Septembre 1665. 188. l. 1. f.

Plus la somme de 180000. liures, que le Roy a accordé ausdits  
sieurs de Fauverolles & le Febvre, de remboursement sur ce qui  
leur est deub dans les baux des Gabelles d'Autruy & Courtial,  
laquelle somme les Commis desdits baux doiuent mettre es



mainz dudit sieur Moret, pour estre payé ausdits sieurs de Fauverolles & le Febvre; & parce qu'il y a vne saisie es mainz dudit sieur Moret, pour le fait particulier dudit sieur de Fauverolles, il est condamné par ladite Sentence d'en fournir la mainleuée audit le Febvre, sinon payer & rapporter dans leurs affaires communes ladite somme de 180000. liures: Tellement que lesdits 180000. liures sont perceptibles, soit sur lesdits Commis, soit sur ledit sieur Moret, ou soit sur ledit sieur de Fauverolles, cy sans preiudice des interets. 180000. l.

Plus la somme de 13000. liures, aussi adiugez par ladite Sentence. 13000. l.

Interests de ladite somme de 13000. liures, à compter du premier Decembre 1665. iusques au 1. Septembre 1669. 4875. l.

Toutes lesdites sommes liquides que ledit sieur de Fauverolles est condamné par ladite Sentence de payer en acquit des affaires communes de luy & dudit sieur le Febvre, montent à la somme totale de 42221. liures 16. s. 5. d.

Sans preiudice des sommes de 150000. liures, 100000. liures & de 42073. liures 3. sols 8. deniers, reuenant à la somme de 292073. liures 3. sols 8. deniers, dont il est condamné de rapporter les acquits & employs dans trois mois, ou de les payer en deniers pour leurs affaires communes avec les interets, & encore sans preiudice audit le Febvre d'autres pretentions, en vertu desdites transactions & Sentences.

